

C.41 L

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

1/2002

15.02.2002.godine

SLUŽBENI GLASNIK IZDAJE:

Služba Općinskog vijeća, Općinskog
načelnika i službi za upravu

ODGOVORNI UREDNIK:

Hajrudin Katardžić, dipl.pravnik



- 1 -

I – AKTI OPĆINSKOG VIJEĆA

Na osnovu člana 2.12., stav 5. Izbornog zakona Bosne i Hercegovine («Službeni glasnik BiH», broj 23/2001) i člana 55. Statuta općine Zavidovići («Službeni glasnik općine Zavidovići», broj:2/99 i 3/2001), Općinsko vijeće Zavidovići na 24. sjednici održanoj 28.12.2001. godine, donijelo je

R J E Š E N J E

**o imenovanju predsjednika i članova
Općinske izborne komisije**

I

U Općinsku izbornu komisiju, imenuju se:

1. MALIĆBEGOVIĆ ENES, VSS - za predsjednika,
2. SINANOVIĆ SENAD, VSS - za člana,
3. ANTONOVIĆ ZVIJZDANA, VSS - za člana

II

Općinsku izbornu komisiju opsluživat će službe za upravu, svaka iz svoje nadležnosti, a po nalogu Općinskog načelnika.

III

Ovo rješenje stupa na snagu danom donošenja i dobijanja saglasnosti od Izborne komisije Bosne i Hercegovine.

IV

Rješenje objaviti u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-3768
Datum: 28.12.2001. godine.

Fuad Berberović, s.r.

**IZBORNA KOMISIJA
BOSNA I HERCEGOVINA**

Na osnovu člana 2.12.stav 5. Izbornog zakona Bosne i Hercegovine ("Službeni glasnik Bosne i Hercegovine", broj 23/01), Izborna komisija Bosne i Hercegovine na sjednici održanoj 29. i 30.01.2002.godine, donijela je

ODLUKU

I

Daje se saglasnost na imenovanje članova Općinske izborne komisije ZAVIDOVIĆI u sastavu:

**ENES MALIĆBEGOVIĆ
SENAD SINANOVIĆ
ZVJEZDANA ANTONOVIĆ**

II

U postupku donošenja Odluke utvrđeno je da članovi iz tačke I ove Odluke ispunjavaju Zakonom i Odlukom Izborne komisije BiH o utvrđivanju kvalifikacija za članove izbornih komisija i biračkih odbora, broj 01-03/01 od 27.11.2001.godine utvrđene uslove.

III

Ova Odluka stupa na snagu danom donošenja.

PREDSJEDNIK
Izborne komisije Bosne i Hercegovine

Lidija Korać, s.r.

Na osnovu člana 49. Zakona o eksproprijaciji ("Službeni list SRBH", broj 12/87, 38/89, i 15/94) i člana 55. tačka 2. Statuta općine Zavidovići ("Službeni glasnik općine Zavidovići", broj 2/99 i 3/01). Općinsko vijeće Zavidovići je na 25. sjednici održanoj dana 14.02.2002. godine donijelo

O D L U K U
o utvrđivanju naknade za ekspropirisano poljoprivredno
odnosno građevinsko zemljište za 2001. godinu

Član 1.

Ovom odlukom određuje se visina naknade za ekspropirisano poljoprivredno odnosno građevinsko zemljište (izuzev gradskog građevinskog zemljišta), na području općine Zavidovići za 2001. godinu.

Član 2.

Pri određivanju naknade za ekspropirisano poljoprivredno odnosno građevinsko zemljište cijent će se:

1. korist koju može dati to zemljište redovnim iskorištavanjem,
2. korist koju je raniji vlasnik imao od tog zemljišta,
3. i naročito tržišna cijena odgovarajućeg poljoprivrednog odnosno građevinskog zemljišta.

Član 3.

Prihod od zemljišta iz tačke 1. i 2. prethodnog člana utvrđuje se vještačenjem od strane poljoprivrednog stručnjaka.

Član 4.

Tržišna cijena zemljišta iz člana 2. tačka 3. utvrđuje se na osnovu podataka o prometnoj vrijednosti koje daje organ poreske uprave i podataka o iznosima postignutih sporazuma o utvrđivanju pravične naknade za ekspropirisana zemljišta na području općine.

Član 5.

Podaci o prometnoj vrijednosti zemljišta treba da se odnose na kraj u kome se nalazi zemljište, a ako u tom kraju nema prometa zemljišta onda prema podacima o prometnoj vrijednosti zemljišta u susjednom kraju.

Član 6.

Naknada za ekspropirisano poljoprivredno odnosno građevinsko zemljište utvrđena na osnovu člana 2. Odluke će se umanjiti srazmjerno uticaju okolnosti da je vrijednost poljoprivrednog zemljišta odnosno građevinskog zemljišta koje se ekspropriše uvećana kao rezultat neposrednog ili posrednog društvenog ulaganja, odnosno ako se to zemljište nalazi u: naseljima ili turističkim područjima ili u blizini tih naselja odnosno područja, saobraćajnica ili drugih objekata ili što predstoji eksproprijacija.

U slučaju iz prethodnog stava, kad je predmet eksproprijacije obradivo poljoprivredno zemljište zemljoradnika, odnosno građevinsko zemljište koje kao poljoprivredno koristi zemljoradnik, kome je prihod od tog zemljišta glavni uslov za egzistenciju, ne vrši se umanjene naknade.

- 4 -

Član 7.

U skladu sa stavom 1. prethodnog člana naknada će se umanjiti za eksproprisano poljoprivredno odnosno građevinsko zemljište koje se nalazi uz slijedeće saobraćajnice i u iznosima kako slijedi:

1. Put Zavidovići - Vozuća do 4.km na udaljenosti od 1000 m sa lijeve strane od ose puta a sa desne strane puta do korita rijeke Krivaje u iznosu od od 30%.
- Put Zavidovići - Vozuća od 4. km do Vozuće na udaljenosti od 1000 m sa desne strane od ose puta, a sa lijeve strane ose puta do korita rijeke Krivaje u iznosu od 30% posmatrajući tok rijeke nizvodno.
2. Put Zavidovići - Žepče na udaljenosti od 1000 m sa desne strane od ose puta i lijeve strane puta do korita rijeke Bosne u iznosu od 30%.
3. Put Zavidovići - Bočinja na udaljenosti od 1000 m sa desne strane od ose puta i sa lijeve strane puta do korita rijeke Bosne u iznosu od 30%.
4. Put Vozuća - Maoča na udaljenosti od 1000 m sa desne strane od ose puta i sa lijeve strane ose puta do korita rijeke Krivaja u iznosu od 20%.
5. Put Zavidovići - Kamenica na relaciji 2 km - Kamenica na udaljenosti od 1000 m na obje strane od ose puta u iznosu od 10%.

Član 8.

Naknada utvrđena primjenom članova od 2-7. ove odluke će se uvećati za vrijednost uloženi, a neamortizovanih investicija značajnih za trajnije očuvanje ili poboljšanje poljoprivrednog odnosno građevinskog zemljišta.

Procjena vrijednosti iz prethodnog stava utvrđuje se na osnovu pribavljenog nalaza i mišljenja vještaka odgovarajuće struke.

Član 9.

Danom stupanja na snagu ove odluke prestaje da važi Odluka o utvrđivanju naknade za eksproprisano zemljište u 2000. godini broj 01/3-31-2290 od 20.10.2000. godine ("Službeni glasnik općine Zavidovići", broj 7/2000).

Član 10.

Ova odluka stupa na snagu prvog narednog dana od dana objavljivanja u "Službenom glasniku općine Zavidovići".

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-31-2256
Datum: 14.02.2002.godine

Fuad Berberović, s.r.

Na osnovu člana 49. Zakona o eksproprijaciji ("Službeni list SRBiH", broj 12/87, 38/89 i 15/94) i člana 55. tačka 2. Statuta općine Zavidovići ("Službeni glasnik općine Zavidovići", broj 2/99 i 3/01), Općinsko vijeće Zavidovići je na 25. sjednici održanoj dana 14.02.2002.godine donijelo

O D L U K U
o utvrđivanju naknade za ekspropisano poljoprivredno
odnosno građevinsko zemljište za 2002. godinu

Član 1.

Ovom odlukom određuje se visina naknade za ekspropisano poljoprivredno odnosno građevinsko zemljište (izuzev gradskog građevinskog zemljišta), na području općine Zavidovići za 2002. godinu.

Član 2.

Pri određivanju naknade za ekspropisano poljoprivredno odnosno građevinsko zemljište cijenit će se:

1. korist koju može dati to zemljište redovnim iskorištavanjem,
2. korist koju je raniji vlasnik imao od tog zemljišta,
3. i naročito tržišna cijena odgovarajućeg poljoprivrednog odnosno građevinskog zemljišta.

Član 3.

Prihod od zemljišta iz tačke 1. i 2. prethodnog člana utvrđuje se vještačenjem od strane poljoprivrednog stručnjaka.

Član 4.

Tržišna cijena zemljišta iz člana 2. tačka 3. utvrđuje se na osnovu podataka o prometnoj vrijednosti koje daje organ poreske uprave i podataka o iznosima postignutih sporazuma o utvrđivanju pravične naknade za ekspropisana zemljišta na području općine.

Član 5.

Podaci o prometnoj vrijednosti zemljišta treba da se odnose na kraj u kome se nalazi zemljište, a ako u tom kraju nema prometa zemljišta onda prema podacima o prometnoj vrijednosti zemljišta u susjednom kraju.

Član 6.

Naknada za ekspropisano poljoprivredno odnosno građevinsko zemljište utvrđena na osnovu člana 2. Odluke će se umanjiti srazmjerno uticaju okolnosti da je vrijednost poljoprivrednog zemljišta odnosno građevinskog zemljišta koje se ekspropriše uvećana kao rezultat neposrednog ili posrednog društvenog ulaganja, odnosno ako se to zemljište nalazi u naseljima ili turističkim područjima ili u blizini tih naselja odnosno područja, saobraćajnica ili drugih objekata ili što predstoji eksproprijacija.

U slučaju iz prethodnog stava, kad je predmet eksproprijacije obradivo poljoprivredno zemljište zemljoradnika, odnosno građevinsko zemljište koje kao poljoprivredno koristi zemljoradnik, kome je prihod od tog zemljišta glavni uslov za egzistenciju, ne vrši se umanjene naknade.

Član 7.

U skladu sa stavom 1. prethodnog člana naknada će se umanjiti za eksproprisano poljoprivredno odnosno građevinsko zemljište koje se nalazi uz sljedeće saobraćajnice i u iznosima kako slijedi:

1. Put Zavidovići – Vozuća do 4.km na udaljenosti od 1000 m sa lijeve strane od ose puta a sa desne strane puta do korita rijeke Krivaje u iznosu od od 30%.

- Put Zavidovići - Vozuća od 4. km do Vozuće na udaljenosti od 1000 m sa desne strane od ose puta, a sa lijeve strane ose puta do korita rijeke Krivaje u iznosu od 30 %., posmatrajući tok rijeke nizvodno.

2. Put Zavidovići – Žepče na udaljenosti od 1000 m sa desne strane od ose puta i lijeve strane puta do korita rijeke Bosne u iznosu od 30%.

3. Put Zavidovići – Bočinja na udaljenosti od 1000 m sa desne strane od ose puta i sa lijeve strane puta do korita rijeke Bosne u iznosu od 30%.

4. Put Vozuća – Maoča na udaljenosti od 1000 m sa desne strane od ose puta i sa lijeve strane ose puta do korita rijeke Krivaja u iznosu od 20%.

5. Put Zavidovići – Kamenica na relaciji 2 km-Kamenica na udaljenosti od 1000 m na obje strane od ose puta u iznosu od 10%.

Član 8.

Naknada utvrđena primjenom članova od 2-7. ove odluke će se uvećati za vrijednost uloženi, a neamortizovanih investicija značajnih za trajnije očuvanje ili poboljšanje poljoprivrednog odnosno građevinskog zemljišta.

Procjena vrijednosti iz prethodnog stava utvrđuje se na osnovu pribavljenog nalaza i mišljenja vještaka odgovarajuće struke.

Član 9.

Danom stupanja na snagu ove odluke prestaje da važi Odluka o utvrđivanju naknade za eksproprisano zemljište u 2001. godini broj 01-31-2256 od 14.02.2002. godine ("Službeni glasnik općine Zavidovići", broj 1/2002.

Član 10.

Ova odluka stupa na snagu prvog narednog dana od dana objavljivanja u "Službenom glasniku općine Zavidovići".

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-31-139
Datum: 14.02.2002.godine

Fuad Berberović, s.r.

- 7 -

Na osnovu člana 2. Zakona o matičnim knjigama ("Službeni list RBiH", broj 20/92) i člana 55. Statuta općine Zavidovići ("Službeni glasnik općine Zavidovići", broj 2/99 i 3/2001), Općinsko vijeće Zavidovići na 25. sjednici održanoj 14.02.2002. godine, donijelo je

ODLUKU

o izmjeni Odluke o određivanju matičnih područja
i naseljenih mjesta za vođenje matičnih knjiga

Član 1.

U Odluci o određivanju matičnih područja i naseljenih mjesta za vođenje matičnih knjiga («Službeni glasnik općine Zavidovići», broj 2/82), u članu 3. stav 1. pod tačkom 5. brišu se riječi: «Gornja Lovnica sa zaseocima: Martići, Tadići i Vidovići».

U članu 3. stav 2. pod tačkom 2. brišu se riječi: «i Gornja Lovnica».

Član 2.

U članu 6. stav 1. riječi pod tačkama: 3. «Brankovići»; 4. «Debelo Brdo»; 7. «Donji Lug»; 12. «Gornji Lug»; 14. «Osova»; 18. «Vinište» i 19. «Vrbica», se brišu.

U članu 3. stav 2. u tački 2. riječi: «Donji Lug i Gornji Lug» se brišu.

Član 3.

Općinsko vijeće ovlašćuje Komisiju za statut i propise da sačini prečišćeni tekst Odluke o određivanju matičnih područja i naseljenih mjesta za vođenje matičnih knjiga.

Član 4.

Ova Odluka stupa na snagu prvog dana od dana objavljivanja u "Službenom glasniku općine Zavidovići."

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-13-123
Datum: 14.2.2002.godine

Fuad Berberović, s.r.

Na osnovu člana 1. Odluke o kriterijima za finansiranje rada mjesnih zajednica na području općine Zavidovići i člana 55. Statuta općine Zavidovići («Službeni glasnik općine Zavidovići», broj 2/99 i 3/2001), Općinsko vijeće Zavidovići na 25. sjednici od 14.02.2002. godine, donijelo je

ODLUKU
o rasporedu sredstava za redovnu djelatnost
mjesnih zajednica u 2002.godini

Član 1.

Odlukom o rasporedu sredstava za redovnu djelatnost mjesnih zajednica u 2002.godini (u daljem tekstu: Odluka), utvrđuju se ukupna sredstva za rad mjesnih zajednica u 2002.godini. Ukupna sredstva u 2002.godini utvrđuju se u iznosu od 73.290.00 KM.

Član 2.

Visina sredstava iz prethodnog člana raspoređuje se mjesnim zajednicama tako što svakoj mjesnoj zajednici pripada 30% sredstava linearno, a 70% sredstava pripada mjesnoj zajednici prema broju stanovnika.

Raspored sredstava na osnovu elemenata iz prethodnog stava po mjesnim zajednicama sastavni je dio ove Odluke.

Član 3.

Iz raspoređenih sredstava mjesne zajednice finansirat će se rad i aktivnosti mjesnih zajednica.

Sredstva za ove namjene doznačavat će se na osnovu finansijskog plana svake mjesne zajednice i izvještaja o realizaciji istog, za prethodni kvartal.

Član 4.

Ukoliko u Budžetu općine Zavidovići za 2002.godinu prihodi budu manji od planiranih, raspored sredstava mjesnim zajednicama bit će umanjen srazmjerno procentu neostvarenih planiranih prihoda Budžeta općine Zavidovići za 2002.godinu.

Član 5.

Mjesnim zajednicama doznačivat će se sredstva shodno načinu i postupku u skladu sa ovom Odlukom i Odlukom o izvršavanju Budžeta općine Zavidovići za 2002.godinu.

Član 6.

Ova Odluka stupa na snagu prvog naredno dana od dana objavljivanja u «Službenom glasniku općine Zavidovići», a primjenjivat će se od 01.01.2002.godine.

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-14-3833
Datum: 14.02.2002.godine

Fuad Berberović, s.r.

1.221,50 KM	-	linearno
5.541,00 KM	-	po broju stanovnika
6.762,50 KM			
1.221,50 KM	-	linearno
5.946,00 KM	-	po broju stanovnika
7.167,50 KM			
1.221,50 KM	-	linearno
5.044,00 KM	-	po broju stanovnika
6.265,50 KM			
1.221,50 KM	-	linearno
1.350,00 KM	-	po broju stanovnika
2.571,50 KM			
1.221,50 KM	-	linearno
1.321,00 KM	-	po broju stanovnika
2.542,50 KM			
1.221,50 KM	-	linearno
4.018,00 KM	-	po broju stanovnika
5.239,50 KM			
1.221,50 KM	-	linearno
1.676,50 KM	-	po broju stanovnika
2.898,00 KM			
1.221,50 KM	-	linearno
5.075,00 KM	-	po broju stanovnika
6.296,50 KM			
1.221,50 KM	-	linearno
1.332,00 KM	-	po broju stanovnika
2.553,50 KM			

RASPORED SREDSTAVA MJESNIM ZAJEDNICAMA

10. MJESNA ZAJEDNICA «MAOČA»	
- linearno	1.221,50 KM
- po broju stanovnika	<u>610,50 KM</u>
	1.832,00 KM
11. MJESNA ZAJEDNICA «RUJNICA»	
- linearno	1.221,50 KM
- po broju stanovnika	<u>2.722,00 KM</u>
	3.943,50 KM
12. MJESNA ZAJEDNICA «KOVAČI»	
- linearno	1.221,50 KM
- po broju stanovnika	<u>5.074,00 KM</u>
	6.295,50 KM
13. MJESNA ZAJEDNICA «BREŽIK»	
- linearno	1.221,50 KM
- po broju stanovnika	<u>2.299,00 KM</u>
	3.520,50 KM
14. MJESNA ZAJEDNICA «KRIVAJA-SMAJLBAŠIĆ»	
- linearno	1.221,50 KM
- po broju stanovnika	<u>1.497,00 KM</u>
	2.718,50 KM
15. MJESNA ZAJEDNICA «GOSTOVIĆ»	
- linearno	1.221,50 KM
- po broju stanovnika	<u>3.866,00 KM</u>
	5.087,50 KM
16. MJESNA ZAJEDNICA «DONJI GOSTOVIĆ»	
- linearno	1.221,50 KM
- po broju stanovnika	<u>1.263,00 KM</u>
	2.484,50 KM
17. MJESNA ZAJEDNICA «LOVNICA»	
- linearno	1.221,50 KM
- po broju stanovnika	<u>2.060,00 KM</u>
	3.281,50 KM
18. MJESNA ZAJEDNICA «MAHOJE»	
- linearno	1.221,50 KM
- po broju stanovnika	<u>608,00 KM</u>
	1.829,50 KM

REKAPITULACIJA

1. MZ «ASIM ČAMDŽIĆ»	6.762,50 KM
2. MZ «KLEK»	7.167,50 KM
3. MZ «BRANIOCI GRADA»	6.265,50 KM
4. MZ «DUBRAVICA»	2.571,50 KM
5. MZ «DOLINA-ALICI»	2.542,50 KM
6. MZ «PAŠIN KONAK»	5.239,50 KM
7. MZ «MEČEVIĆI»	2.898,00 KM
8. MZ «VOZUĆA»	6.296,50 KM
9. MZ «RIBNICA»	2.553,50 KM
10. MZ «MAOČA»	1.832,00 KM
11. MZ «RUJNICA»	3.943,50 KM
12. MZ «KOVAČI»	6.295,50 KM
13. MZ «BREZIK»	3.520,50 KM
14. MZ «KRIVAJA-SMAILBAŠIĆI»	2.718,50 KM
15. MZ «GOSTOVIĆ»	5.087,50 KM
16. MZ «DONJI GOSTOVIĆ»	2.484,50 KM
17. MZ «LOVNICA»	3.281,50 KM
18. MZ «MAHOJE»	1.829,50 KM

UKUPNO: 73.290,00 KM

- 12 -

Na osnovu člana 35., a u vezi sa članom 55. Statuta općine Zavidovići («Službeni glasnik općine Zavidovići», broj 2/99 i 3/2001), Općinsko vijeće Zavidovići na 25. sjednici od 14.02. 2002. godine, donijelo je

ODLUKU

o raspisivanju izbora za Savjet Mjesne zajednice «Mećevići»

Član 1.

Zakazuje se zbor građana i raspisuju izbori za Savjet Mjesne zajednice «Mećevići» općina Zavidovići koji će se održati dana 24.2.2002.godine.

Član 2.

U slučaju da zbor građana i izbori za članove Savjeta Mjesne zajednice «Mećevići» iz objektivnih razloga ne budu održani, Radno predsjedništvo za provođenje izbora u Mjesnoj zajednici utvrdit će novi termin održavanja zbora građana i izbora članova Savjeta, a najkasnije u roku od 15 dana od posljednjeg dana iz prethodnog člana.

Član 3.

Građani koji žive na području Mjesne zajednice «Mećevići», a koji imaju biračko pravo, na zboru građana biraju članove Savjeta Mjesne zajednice «Mećevići» javnim glasanjem.

Član 4.

Satnicu i mjesto održavanja zbora građana utvrdit će Radno predsjedništvo za sprovođenje izbora.

Član 5.

Općinsko vijeće posebnim rješenjem će imenovati članove Radnog predsjedništva za sprovođenje izbora u Mjesnoj zajednici «Mećevići».

Član 6.

Ova odluka stupa na snagu danom donošenja, a objavit će se u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-125
Datum: 14.02.2002.godine

Fuad Berberović, s.r.

Na osnovu člana 5. Odluke o raspisivanju izbora za članove savjeta mjesnih zajednica i člana 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići na 25. sjednici od 14.02.2002. godine, donijelo je

RJEŠENJE

o imenovanju članova Radnog predsjedništva za sprovođenje izbora u Mjesnoj zajednici «Mećevići»

I

Ovim rješenjem imenuju se članovi Radnog predsjedništva za sprovođenje izbora za članove savjeta Mjesne zajednice «Mećevići» koji će se održati dana 24.2.2002.godine.

Za sprovođenje izbora u Mjesnoj zajednici «Mećevići» za članove Radnog predsjedništva imenuju se:

1. BEGANOVIĆ HAŠIM – predsjednik,
2. MUJKIĆ MUSTAFA – član,
3. MUJIĆ HAŠKO – član.

II

U slučaju spriječenosti iz opravdanih razloga (bolest i sl.), nekođ od članova Radnog predsjedništva, zamjenu istog izvršit će predsjednik Radnog predsjedništva na zboru građana.

III

Ovo rješenje stupa na snagu odmah.

OPĆINA ZAVIDOVIĆI
- OPĆINSKO VIJEĆE -

Broj: 01-05-126
Datum: 14.02.2002.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-31-3955

Dana: 14.02.2002.godine

Općinsko vijeće Zavidovići na svojoj 25. sjednici održanoj dana 14.02.2002. godine, na osnovu člana 15. stav 1. i 2. Zakona o eksproprijaciji ("Službeni list SRBiH", broj: 12/87 i 38/89) i ("Službeni list RBiH", broj: 15/94) i člana 55. tačka 2. Statuta općine Zavidovići ("Službeni glasnik općine Zavidovići", broj: 2/99 i 3/01), na prijedlog Mjesne zajednice "Kovači" za utvrđivanje općeg interesa, donijelo je

RJEŠENJE

Utvrđuje se, da je od općeg interesa izgradnja kanalizacione mreže u naselju Brijeg MZ "Kovači", te da se u tu svrhu može pristupiti utvrđivanju prava služnosti u korist naselja Brijeg MZ "Kovači", a radi postavljanja kanalizacionih cijevi na sljedećim nekretninama u k.o. Činovići: k.č. br. 1086/1 vl. Karahasanović (Mustafa) Mustafa; k.č. br. 1086/2 vl. Karahasanović (Mustafa) Senad; k.č. br. 1086/3 vl. Karahasanović (Mustafa) Mirsad; k.č. br. 1103/4 vl. Karahasanović (Zajim) Izet; k.č. br. 1104 vl. Karahasanović (Zajim) Izet i dr.; k.č. br. 1120 vl. DRSV Javni i nekategorisani putevi; k.č. br. 1121/1, 1121/3, 1121/4, 1121/5 i 1121/6 vk. Karahasanović (Ibro) Agan; k.č. br. 1121/2 vl. Karahasanović (Agan) Fehim; k.č. br. 1123/2 vl. Karahasanović (Jusuf) Sifet; k.č. br. 1123/3 vl. Karahasanović (Jusuf) Ajka i dr.; k.č. br. 1122, 1133, 1134 i 1136 vl. Karahasanović (Mustafa) Hasan; k.č. 1140 vl. Hajder (Haso) Merdža; k.č. br. 2832 vl. DRSV Javni i nekategorisani putevi.

Obrazloženje

MZ "Kovači" obratila se dana 08.11.2001. godine općini Zavidovići sa prijedlogom za utvrđivanje općeg interesa za izgradnju kanalizacije za naselje Brijeg, kako bi se moglo utvrditi pravo služnosti postavljanja kanalizacionih cijevi na parcelama označenim u dispozitivu rješenja.

Uz prijedlog za utvrđivanje općeg interesa stranka je priložila izvod iz projektne dokumentacije na kojoj je uertana trasa kanalizacione mreže.

Od mjesne zajednice "Kovači" nije pribavljena saglasnost o društveno- ekonomskoj opravdanosti izgradnje kanalizacione mreže na poljoprivrednom zemljištu iz razloga što je sama mjesna zajednica podnosilac zahtjeva. Prijedlog su obrazložili činjenicom da su vlasnici parcela koje trebaju biti opterećene pravom služnosti saglasni sa izvođenjem radova na njihovim parcelama. Imajući u vidu značaj izgradnje pomenute kanalizacione mreže za područje ove mjesne zajednice i činjenicu da su ispunjeni zakonski uslovi za utvrđivanje općeg interesa za izgradnju iste, odlučeno je kao u dispozitivu rješenja, a na osnovu uvodno citiranih odredbi Zakona o eksproprijaciji koje glase:

Član 15. stav 1. i 2.: "U slučaju ako opšti interes nije utvrđen po članu 13. i 14. ovog zakona, eksproprijacija se može predložiti tek pošto skupština opštine, a na obrazloženi prijedlog korisnika eksproprijacije, donese rješenje da je izgradnja objekta na određenom zemljištu od opšteg interesa i da se može pristupiti eksproprijaciji.

Rješenje iz prethodnog stava donosi skupština opštine na čijem se području nalazi zemljište".

Protiv ovog rješenja ne može se izjaviti žalba niti se može pokrenuti upravni spor.

**PREDSJEDAVAJUĆI
OPĆINSKOG VIJEĆA**

Fuad Berberović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-31-181

Dana: 14.02.2002.godine

Općinsko vijeće Zavidovići na svojoj 25.sjednici održanoj dana 14.02.2002.godine, a na osnovu člana 15. stav 1. i 2. u vezi sa članom 88. Zakona o eksproprijaciji ("Službeni list SRBH", broj: 12/87 i 38/89 i "Službeni list RBiH", broj: 15/94) i člana 55. ("Službeni glasnik općine Zavidovići", broj: 2/99), na prijedlog Javnog preduzeća Radio-televizija Tuzlanskog kantona za utvrđivanje općeg interesa, d o n i j e l o j e

RJEŠENJE

1. Utvrđuje se da je od općeg interesa izgradnja emisionog RTV postrojenja na Kleku u korist JP RTV Tuzlanskog kantona i da se u tu svrhu može izvršiti prenos prava korišćenja radi postavljanja objekata: kućica-kontejner i rešetkasti stub visine 30 m sa pripadajućom infrastrukturom na dijelu nekretnine označene sa k.č. 2868/1. zv. "Klek" šuma povr.

3 145 493 m² upisana u pl. br. 0113 k.o. Mustajbašići kao DRSV IP "Krivaja" DD iz Zavidovića, sa dosadašnjeg korisnika na JP RTV Tuzlanskog kantona kao novog korisnika.

2. Nakon pravosnažnosti ovog rješenja, od parcele označene sa k.č. 2868/1 k.o. Mustajbašići, odcijepiće se dio zemljišta u površini od 100 m² radi izgradnje objekta navedenog u tački 1. dispozitiva.

Obrazloženje

JP RTV Tuzlanskog kantona obratila se Općini Zavidovići sa prijedlogom za utvrđivanje općeg interesa za izgradnju objekta bliže označenog u dispozitivu rješenja.

- Uz prijedloge br. 06-31-3856 od 13.12.2001. godine, br. 06-31-6983 od 27.12.2001. godine, broj: 06-31-40 od 07.01.2002. godine su priložili:

- izvod iz investiciono-tehničke dokumentacije,
- saglasnost IP "Krivaja" DD Zavidovići br. GD 755/01, od 19.12.2001. godine i
- dokaz o uplati takse.

Prijedlog je obrazložen činjenicama da će program RTV TK pratiti gledaoci zavidovičke općine i što se već dvije godine radi o jednom od najkvalitetnijih programa na Tuzlanskom kantonu prema istraživanju MIB- Sarajevo, uz napomenu da se na području TK može pratiti 10 zemaljskih programa.

Imajući u vidu navode stranke iznešene u prijedlogu za utvrđivanje općeg interesa i priložene dokaze, odlučeno je kao u dispozitivu rješenja, a na osnovu člana 15. stav 1. i 2. Zakona o eksproprijaciji.

Citirani član Zakona o eksproprijaciji glasi:

"U slučaju da opći interes nije utvrđen po članu 13. i 14. ovog zakona, eksproprijacija se može predložiti tek pošto Skupština opštine, a na obrazložen prijedlog korisnika

eksproprijacije, donese rješenje da je izgradnja objekta na određenom zemljištu od opšteg interesa i da se može pristupiti eksproprijaciji”.

Član 88. glasi : “ Prava organizacija udruženog rada i drugog društvenog pravnog lica u pogledu nepokretnosti u društvenoj svojini mogu se rješenjem nadležnog opštinskog organa uprave oduzeti ili ograničiti i prenijeti na drugu organizaciju udruženog rada ili drugo društveno pravno lice, ako to zahtjevaju na osnovu zakona utvrđene potrebe planskog uređivanja prostora ili izgradnje objekta od društvenog značaja ili drugi zakonom određeni opšti interes.

Opšti interes za oduzimanje, ograničenje i prenos tih prava utvrđuje se na način koji je ovim zakonom određen za eksproprijaciju nepokretnosti”.

Protiv ovog rješenja ne može se izjaviti žalba niti se može pokrenuti upravni spor.

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 30. Zakona o premjeru i katastru zemljišta («Službeni list SRBiH», broj 14/78; 12/87 i 26/90), Zakona o premjeru i katastru nekretnina («Službeni list SRBiH», broj 22/84 i 12/87) i člana 55. Statuta općine Zavidovići («Službeni glasnik općine Zavidovići», broj 2/99 i 3/2001), Općinsko vijeće Zavidovići na 25. sjednici od 14.02.2002. godine, donijelo je

RJEŠENJE

o imenovanju Komisije za utvrđivanje i obilježavanje granica katastarskih općina ispred Općine Zavidovići

I

U Komisiju za utvrđivanje i obilježavanje granica katastarskih općina ispred Općine Zavidovići (u daljem tekstu: Komisija), imenuje se:

1. DŽAFEROVIĆ SAKIB – predsjednik Komisije – geometar,
2. HRKIĆ MUSTAFA – zamjenik predsjednika – geometar,
3. SINANOVIĆ REMZO – član – diplomirani pravnik,
4. AHMIĆ FATA – zamjenik člana – pravnik

II

Za članove Komisije iz:

1. Katastarske općine Gornja i Donja Lovnica imenuje se:
 - BAJRAMOVIĆ EDHEM – član,
 - BAJRAMOVIĆ SEMIZ – zamjenik člana,
2. Katastarske općine Alići imenuje se:
 - MEHANOVIĆ SEAD – član,
 - BAJRIĆ SUAD – zamjenik člana,
3. Katastarske općine Dubravica imenuje se:
 - LATIFOVIĆ RAMIZ – član,
 - HAMUROVIĆ MUJO – zamjenik člana

III

Članovi Komisije su dužni da se pri utvrđivanju i obilježavanju granica katastarskih općina pridržavaju Zakona o premjeru i katastru zemljišta i Zakona o premjeru i katastru nekretnina.

IV

Troškovi rada Komisije padaju na teret sredstava Općine Žepče.

V

Rješenje stupa na snagu kada ga usvoji Općinsko vijeće i bit će objavljeno u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-34-259
Datum: 14.02.2002.godine

Fuad Berberović, s.r.

Na osnovu člana 55. Statuta općine Zavidovići ("Službeni glasnik općine Zavidovići", broj 2/99 i 3/2001) i člana 33. i 34. Poslovnika Općinskog vijeća Zavidovići ("Službeni glasnik općine Zavidovići", broj 9/97, 3/98 i 3/2001), Općinsko vijeće Zavidovići na 25. sjednici održanoj 14.02.2002. godine donijelo je

R J E Š E N J E

o izmjeni Rješenja o izboru predsjednika i članova Komisije za odlikovanja i javna priznanja

I

U tački I Rješenja o izboru predsjednika i članova Komisije za odlikovanja i javna priznanja ("Službeni glasnik općine Zavidovići", broj 5/2000 i 7/2000), pod tačkom 3. umjesto Bošnjaković Ismet, za člana Komisije, bira se Polić Mehmed.

II

Rješenje stupa na snagu danom donošenja i bit će objavljeno u "Službenom glasniku općine Zavidovići".

OPĆINA ZAVIDOVIĆI
-OPĆINSKO VIJEĆE-

Broj: 01-34-3776
Datum: 14.02.2002. godine.

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 55. Statuta općine Zavidovići ("Službeni glasnik općine Zavidovići", broj 2/99 i 3/2001) i člana 33. i 34. Poslovnika Općinskog vijeća Zavidovići ("Službeni glasnik općine Zavidovići", broj 9/97, 3/98 i 3/2001), Općinsko vijeće Zavidovići na 25. sjednici održanoj 14.02.2002. godine donijelo je

R J E Š E N J E

o izmjeni Rješenja o izboru predsjednika i članova Mandatno-imunitetske komisije

I

U tački I Rješenja o izboru predsjednika i članova Mandatno-imunitetske komisije („Službeni glasnik općine Zavidovići“, broj 4/2000), pod tačkom 4. umjesto Muhamed Šibonjić, član Komisije, bira se Bajramović Edhem.

II

Rješenje stupa na snagu danom donošenja i bit će objavljeno u "Službenom glasniku općine Zavidovići".

OPĆINA ZAVIDOVIĆI
-OPĆINSKO VIJEĆE-

Broj: 01-34-1867
Datum 14.02.2002. godine

PREDSEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 96. stav 1. alineja 2. Poslovnika Općinskog vijeća Zavidovići ("Službeni glasnik općine Zavidovići", broj 9/97; 3/98 i 3/01), Općinsko vijeće Zavidovići na 25. sjednici od 14.02.2002. godine razmatralo je Izvještaj o obavljenoj javnoj raspravi po Nacrtu odluke o izmjenama i dopunama Odluke o provođenju Regulacionog plana «Centar I» Zavidovići sa prijedlogom Zaključka Općinskog načelnika, pa nakon rasprave donijelo

ZAKLJUČAK

1. Nakon obavljenih pravnih konsultacija, prema Zaključku Općinskog vijeća Zavidovići broj 01-23-4096 od 27.04.2001. godine, prihvatom stav iz tačaka a) b) i c) Zapisnika Službe za upravu privrednih djelatnosti broj 03/3-23-4096 od 11.12.2000. godine, Izvještaj o obavljenoj javnoj raspravi Službe za upravu privrednih djelatnosti broj 03/3-23-4096 od 20.03.2001. godine po Nacrtu odluke o izmjenama i dopunama Odluke o provođenju Regulacionog plana «Centar I» Zavidovići, pisma etažnog vlasnika naselja «Stadion» lamela II, od 06.01.2001. godine i zahtjev etažnih vlasnika o zabrani zatvaranja pasaža između lamela «I» i «II» u naselju «Stadion», prema spisku potpisa etažnih vlasnika od 06.06.2001. godine da ne postoje zakonski uslovi o zatvaranju pasaža između lamela «I» i «II» u naselju «Stadion».

2. Povlačim iz procedure Nacrt odluke o izmjenama i dopunama Odluke o provođenju Regulacionog plana «Centar I», a koja se odnosila na: zatvaranje pasaža između lamela «I» i «II» u naselju «Stadion», izgradnju objekata između Banke i bloka «A» u naselju «ABC» i gradnju poslovnih objekata između lamele II i III naselja «Stadion» i ul. Mehmed Paše Sokolovića (prostor od «Enigme» do raskrsnice kod Doma zdravlja).

OPĆINA ZAVIDOVIĆI
- OPĆINSKO VIJEĆE -

Broj: 01-23-3798
Dana, 14.02.2002. godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

II – AKTI OPĆINSKOG NAČELNIKA

Na osnovu člana 14. Zakona o radnim odnosima i plaćama službenika organa uprave u Federaciji Bosne i Hercegovine («Službene novine Federacije BiH», broj 13/98), Općinski načelnik Zavidovići, dana 18.02.2002.godine, donio je

RJEŠENJE

**o obrazovanju Komisije za sprovođenje konkursa
i oglasa u općinskim organima i službama**

I

Obrazuje se Komisija za sprovođenje konkursa i oglasa u općinskim organima uprave i službama (u daljem tekstu: Komisija).

II

U Komisiju imenujem:

1. JUSUPOVIĆ NALA, dipl.pravnik - predsjednik,
2. STARČEVIĆ ŠEMSUDIN, profesor - član,
3. KARAHASANOVIĆ NIJAZ, dipl.pravnik - član,
4. ŠOGOLJ REMZO, dipl.ing.geod. - član,
5. KATARDŽIĆ ZUHRA, upr.tehničar - član i sekretar Komisije.

III

Komisija je dužna po završetku konkursa ili oglasa utvrditi listu kandidata koji ispunjavaju uslove konkursa, odnosno oglasa za prijem u radni odnos.

Utvrđenu listu Komisija dostavlja Općinskom načelniku.

IV

Komisija odlučuje većinom glasova od ukupnog broja članova Komisije. O radu Komisija vodi zapisnik kojeg potpisuju svi članovi Komisije.

V

Ovim rješenjem stavlja se van snage Rješenje broj 01/1-34-3167 od 03.10.2001.godine, a stupa na snagu danom donošenja i objavit će se u «Službenom glasniku općine Zavidovići».

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK
Selvedina Ulijić, dipl.ing.maš., s.r.

III – AKTI SLUŽBI ZA UPRAVU OPĆINE ZAVIDOVIĆI

Na osnovu člana 38. Zakona o lokalnoj samoupravi ("Službene novine ZE-DO kantona", broj 13/98), člana 87. stav 1. Statuta općine Zavidovići ("Službeni glasnik općine Zavidovići", broj 2/99 i 3/2001) i Odluke o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići ("Službeni glasnik općine Zavidovići", broj 11/2001), kao i na osnovu člana 9., a u vezi sa članom 1. Odluke o postupku registracije i načinu vođenja registra mjesnih zajednica («Službeni glasnik općine Zavidovići», broj 5/2001), Općinski načelnik Zavidovići - Služba za upravu društvenih djelatnosti i opću upravu, postupajući po zahtjevu Mjesne zajednice Mahoje za upis u Registar mjesnih zajednica općine Zavidovići, d o n o s i

R J E Š E N J E

I

Mjesna zajednica Mahoje upisana je u Registar mjesnih zajednica općine Zavidovići za 2001.godinu pod rednim brojem 5. na strani 3. knjige Registra mjesnih zajednica iz 2001.godine.

II

Mjesna zajednica Mahoje osnovana je Odlukom o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići ("Službeni glasnik općine Zavidovići", broj 11/2001) donesenom od strane Općinskog vijeća Zavidovići.

III

Naseljena mjesta koja ulaze u sastav Mjesne zajednice Mahoje prema članu 29.b. Odluke su sela i zaseoci: Podvolujak; Volujak; Brdo; Potok; Žuber i Oštrić.

IV

Sjedište Mjesne zajednice Mahoje je prema članu 7. Odluke u Područnoj školi na Mahoju.

V

Ovlaštena lica za predstavljanje Mjesne zajednice Mahoje su Mulahusić Omer, kao predsjednik Savjeta MZ Mahoje i Dževdet Bukvić, kao zamjenik predsjednika Savjeta MZ Mahoje.

VI

Rješenje stupa na snagu danom donošenja i bit će objavljeno u "Službenom glasniku općine Zavidovići".

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI

POMOĆNIK NAČELNIKA
Šemsudin Starčević, prof., s.r.

Služba za upravu društvenih djelatnosti
i opću upravu

Broj: 04/5-3501

Datum. 4.12.2001.godine

SADRŽAJ

I – AKTI OPĆINSKOG VIJEĆA

1. RJEŠENJE o imenovanju predsjednika i članova Općinske izborne komisije	1
2. ODLUKA-saglasnost Izborne komisije Bosne i Hercegovine.....	2
3. ODLUKA o utvrđivanju naknade za eksproprisano poljoprivredno odnosno građevinsko zemljište za 2001.godinu	3
4. ODLUKA o utvrđivanju naknade za eksproprisano poljoprivredno odnosno građevinsko zemljište za 2002.godinu	5
5. ODLUKA o izmjeni Odluke o određivanju matičnih područja i naseljenih mjesta za vođenje matičnih knjiga	7
6. ODLUKA o rasporedu sredstava za redovnu djelatnost mjesnih zajednica u 2002.godini	8
7. ODLUKA o raspisivanju izbora za Savjet Mjesne zajednice «Mećevići»	12
8. RJEŠENJE o imenovanju članova Radnog predsjedništva za sprovođenje izbora u Mjesnoj zajednici «Mećevići»	13
9. RJEŠENJE o utvrđivanju općeg interesa za izgradnju kanalizacione mreže u naselju Brijeg MZ «Kovači»	14
10. RJEŠENJE o utvrđivanju općeg interesa za izgradnju RTV postrojenja na Kleku u korist JP RTV Tuzlanskog kantona.....	15
11. RJEŠENJE o imenovanju Komisije za utvrđivanje i obilježavanje granica katastarskih općina ispred Općine Zavidovići	17
12. RJEŠENJE o izmjeni Rješenja o izboru predsjednika i članova Komisije za odlikovanja i javna priznanja	18
13. RJEŠENJE o izmjeni Rješenja o izboru predsjednika i članova Mandatno-imunitetske komisije	19
14. ZAKLJUČAK OV broj 01-23-3798	20

II – AKTI OPĆINSKOG NAČELNIKA

1. RJEŠENJE o obrazovanju Komisije za sprovođenje konkursa i oglasa u općinskim organima i službama	21
---	----

III – AKTI SLUŽBI ZA UPRAVU OPĆINE ZAVIDOVIĆI

1. RJEŠENJE o upisu u Registar MZ Mahoje	22
--	----